

Broj:01-11-2172-6/22  
Sarajevo, 08.07.2022.godine

12-07-2022

Na osnovu člana 70. Zakona o javnim nabavkama BiH („Službeni glasnik BiH“ broj:39/14) i Rješenja o ovlaštenju za potpisivanje akata iz nadležnosti Federalnog ministarstva za pitanja boraca i invalida odbrambeno-oslobodilačkog rata i čuvanju i upotrebi pečata Federalnog ministarstva za pitanja boraca i invalida odbrambeno-oslobodilačkog rata, („Službene novine Federacije BiH“, broj 33/21), a na preporuku Komisije za javne nabavke za 2022. godinu imenovane rješenjem broj: 01-11-1393/22 od 04.04.2022. godine, Federalno ministarstvo za pitanja boraca i invalida odbrambeno-oslobodilačkog rata, d o n o s i:

## **O D L U K U**

**o izboru najpovoljnijeg ponuđača za nabavku potrošnog materijala za printere, faks aparate i kopir aparate**

### **I**

Na osnovu Obavještenja o nabavci broj: 746-7-1-22-3-4/22 koje je objavljeno na Portalu javnih nabavki dana 28.06.2022. godine, poziva za dostavljanje ponuda putem Konkurentskog zahtjeva broj: 01-11-2172/22 od 28.06.2022. godine i provedenog postupka za nabavku potrošnog materijala za printere, faks aparate i kopir aparate, kao najpovoljnija i ocijenjena najprihvatljivijom ponudom je ponuda ponuđača AERO-EXCLUSIVE d.o.o. Sarajevo čija ukupna cijena ponude utvrđena nakon računске kontrole, iznosi 21.124,49 KM bez PDV-a.

### **II**

Ponuđač iz tačke I. ove odluke ocijenjen je kao najpovoljniji, jer ispunjava uslove postavljene tenderskom dokumentacijom, a u skladu sa kriterijem za dodjelu ugovora – najniža cijena.

### **III**

Po okončanju roka za žalbu, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

### **IV**

Ova odluka objaviti će se na web stranici Federalnog ministarstva za pitanja boraca i invalida odbrambeno-oslobodilačkog rata u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

## **O b r a z l o ž e n j e**

Postupak javne nabavke - konkurentski zahtjev za dostavu ponuda za nabavku potrošnog materijala za printere, faks aparate i kopir aparate pokrenut je Odlukom o pokretanju postupka javne nabavke, broj: 01-11-2171/22 od 27.06.2022. godine. Ukupna procijenjena vrijednost nabavke iznosila je 22.222,00 KM. Poziv za preuzimanje tenderske dokumentacije o nabavci poslan je na tri adrese, a obavještenje o nabavci broj: 746-7-1-22-3-4/22 objavljeno je na portalu javnih nabavki 28.06.2022. godine. Tendersku dokumentaciju preuzelo je 9 (devet) ponuđača, a 3 (tri) ponuđača dostavila su ponude u predmetnom postupku javne nabavke. Sve ponude su blagovremeno pristigle. U skladu sa provedenim predmetnim postupkom javne nabavke, ponude su dostavili sljedeći ponuđači: ALF-OM d.o.o. Banja Luka, KMC d.o.o. Banja Luka i AEROEXCLUSIVE d.o.o. Sarajevo.

Komisija za javne nabavke, izvršila je pregled i ocjenu ponuda, te konstatovala da je jedna dostavljena ponuda prihvatljiva za ugovorni organ, odnosno ispunjava formalno pravne, ekonomske i tehničke uslove, odnosno zahtjeve ugovornog organa i to ponuda ponuđača, AEROEXCLUSIVE d.o.o. Sarajevo.



Nadalje Komisija konstatuje da dvije zaprimljene ponude nisu prihvatljive za ugovorni organ i to ponude ponuđača: ALF-OM d.o.o. Banja Luka i KMC d.o.o. Banja Luka.

Ponude ponuđača ALF-OM d.o.o. Banja Luka i KMC d.o.o. Banja Luka shodno odredbi člana 68. stav 4. pod i) nije potpuna i ne ispunjava zahtjeve iz tenderske dokumentacije iz slijedećih razloga:

Tačkom 6.3 Tehnička i profesionalna sposobnost tenderske dokumentacije propisano je:

„6.3.1. Što se tiče tehničke i profesionalne sposobnosti, ponuđači trebaju ispuniti slijedeće minimalne uslove koji se mogu potvrditi sa dokazima iz člana 49. Zakona, a to su:

a) Uspješno iskustvo u realizaciji najmanje dva ugovora o isporuci tonera i ketridža u prethodnih dvije godine čija ukupna vrijednost ne smije biti manja od 22.222,00 KM;

Ocjena tehničke i profesionalne sposobnosti ponuđača će se izvršiti na osnovu jednog ili više dokaza i to:

- Spisak izvršenih ugovora o isporuci robe koja je predmet nabavke u posljednje dvije godine (2020 i 2021. godina), ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od dvije godine.
- Uz spisak izvršenih ugovora ponuđač je dužan dostaviti potvrde koje su izdali primaoci robe, a koje obavezno sadrže: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenim ugovorima, uz predočenje dokaza o učinjenim pokušajima da se takve potvrde obezbjede.“

Uvidom u dostavljenu ponudu ponuđača ALF-OM d.o.o. Banja Luka utvrđeno je sljedeće:

Ponuđač je dostavio Listu izvršenih isporuka od 06.07.2022. godine na kojoj je navedena isporuka tonera i ketridža za MUP Republike Srpske i Crobox d.o.o., broj ugovora/okvirnog sporazuma je za period 01.01.2021. godine do 26.01.2022. godine i period od 01.01.2021. godine do 31.12.2021. godine. U skladu sa dostavljenom listom ponuđač ALF-OM d.o.o. Banja Luka priložio je i potvrde koje su izdali primaoci usluga i to:

- Potvrda o izvršenim isporukama tonera i ketridža izdata od strane MUP-a RS-a, broj: 09/1-052-242/22 od 26.01.2022. godine u kojoj se navodi da je vrijeme izvršenja ugovora period u 2021. godini i 2022. godini.
- Potvrda o izvršenim isporukama tonera i ketridža izdata od strane firme Crobox d.o.o. Banja Luka, broj: 22-121-05/22 od 10.03.2022. godine, u kojoj se navodi da je vrijeme izvršenja ugovora period od 01.01.2021. do 31.12.2021. godine.

Iz navedenog je vidljivo da ponuđač ALF-OM d.o.o. Banja Luka, nije ni na dostavljenoj Listi izvršenih isporuka naveo izvršene ugovore o isporuci robe koja je predmet nabavke u posljednje dvije godine (2020. i 2021. godina), odnosno nije dostavio niti potvrde koje su izdali primaoci robe za 2020. godinu, a kako je propisano tačkom 6.3.1. Tenderske dokumentacije.

Uvidom u dostavljenu ponudu ponuđača KMC d.o.o. Banja Luka utvrđeno je sljedeće:

Ponuđač je dostavio Spisak izvršenih ugovora na kojem je navedena isporuka potrošnog materijala, tonera, bubnjeva i ribona za firmu EASTCOD d.o.o. Banja Luka za period 01.01.2020. godine do 31.12.2020. godine i firmu PROINTER ITSS d.o.o. Banja Luka za period od 01.01.2020. godine do 01.01.2021. godine, **a kojim nije dokazao** izvršene ugovore o isporuci robe koja je predmet nabavke u posljednje dvije godine (2020. i 2021. godina), odnosno istim ne dokazuje 2021. godinu.

U skladu sa dostavljenim spiskom ponuđač KMC d.o.o. Banja Luka priložio je i potvrde koje su izdali primaoci usluga.

- Potvrda o izvršenim isporukama potrošnog materijala za tonere, bubnjeve i ribone izdata od strane EASTCOD d.o.o. Banja Luka broj: EBCL/2058 od 14.12.2021. godine navodi da je vrijeme izvršenja ugovora period od 01.01.2020. godine do 31.12.2020. godine.
- Potvrda o izvršenim isporukama tonera, ketridža i ribona izdata od strane firme PROINTER ITSS d.o.o. Banja Luka, broj: 01/09-099/1118/2022 od 10.02.2022. godine navodi da je vrijeme izvršenja ugovora period od 01.01.2020. do 01.01.2021. godine.

Iz navedenog je vidljivo da ponuđač KMC d.o.o. Banja Luka nije dostavio potvrdu koje su izdali primaoci robe za 2021. godinu, a kako je propisano tačkom 6.3.1. Tenderske dokumentacije.

Obzirom da je tenderskom dokumentacijom i obavještenjem o nabavci broj: 746-7-1-22-3-4/22 koje je objavljeno na e portalu javnih nabavki dana 28.06.2022. godine bila predviđena e-aukcija, a uzimajući u obzir činjenicu da je samo jedna prihvatljiva ponuda i to ponuda ponuđača AERO-EXCLUSIVE d.o.o. Sarajevo, u skladu sa članom 3. stav 3. Pravilnika o uslovima i načinu korištenja e-aukcije („Službeni glasnik BiH“, broj: 66/16) e aukcija se nije mogla zakazati.



Dragan

Polazeći od gore navedenih konstatacija, i činjenice da prihvatljiva ponuda u tehničkom i ekonomskom smislu ispunjava zahtjeve ugovornog organa, Komisija je pristupila računskoj kontroli iskazanih cijena u tehničkoj specifikaciji, te vrednovanju prihvatljivih ponuda shodno utvrđenom kriteriju: „najniža cijena“, nakon čega je sačinila i dostavila ovlaštenom licu Ugovornog organa Zapisnik o pregledu i ocjeni ponuda broj: 01-11-2171-5/22 od 08.07.2022. godine sa preporukom o izboru najpovoljnijeg ponuđača AERO-EXCLUSIVE d.o.o. SARAJEVO, sa registrovanim sjedištem u ulici Kolodvorska 12, 71 000 Sarajevo, ID: 4200061610000, za predmetnu nabavku.

U postupku donošenja ove odluke, posebno su cijenjene činjenice, da je Komisija pravilno i potpuno izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz tenderske dokumentacije, te da je izbor izvršen u skladu sa Zakonom o javnim nabavkama („Službeni glasnik BiH“, broj: 39/14), podzakonskim aktima i tenderskom dokumentacijom. Uzimajući u obzir naprijed navedeno, odlučeno je kao u dispozitivu ove odluke.

#### POUKA O PRAVNOM LIJEKU:

Svaki ponuđač koji ima legitiman interes za konkretan ugovor o javnoj nabavci i koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci i/ili podzakonskih akata ima pravo uložiti žalbu na postupak u pisanoj formi u roku od 5 (pet) dana od dana kada je njegov podnosilac primio ovu odluku.

Žalba se podnosi naručiocu-ugovornom organu kao prvostepenoj instanci u žalbenom postupku, u dovoljnom broju primjeraka koji ne može biti manji od tri.

#### Dostavljeno:

1. Ponuđačima 3 x
2. U spise
3. Arhiva

